

Član 4.

O korištenju sredstava tekuće budžetske rezerve odlučuje Općinski načelnik, koji kvartalno podnosi izvještaj Općinskom vijeću o utrošcima.

Član 5.

Na osnovu člana 60. Zakona o budžetima ("Službene novine Federacije BiH", broj 102/13, 9/14 i 13/14) svako korištenje tekuće rezerve se objavljuje u "Službenim novinama Kantona Sarajevo". Za tekuću rezervu planirana su sredstva u iznosu od 60.000,00 KM.

Član 6.

Ova Odluka stupa na snagu danom usvajanja, naknadno će se objaviti u "Službenim novinama Kantona Sarajevo", a primjenjuje se od 01.01.2014. godine.

Broj 01-01-2-8427/2014
25. septembra 2014. godine
Hadžići

Predsjedavajući
Općinskog vijeća Hadžići
Adnan Proha, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo", broj 30/09 - Prečišćeni tekst), Općinski načelnik, dana 25.09.2014. godine, verifikovao je i donio

ODLUKU

O KOREKCIJI REGULACIONOG PLANA "BAČIĆI"

Član 1.

Utvrđuje se Korekcija Regulacionog plana "Bačići" ("Službene novine Kantona Sarajevo", broj 13/02), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje poslovno-stambenih objekata na parcelama označenim brojevima 65, 60, 61, 57, 56, 58 i dio 59 iz Regulacionog plana "Bačići", Općina Novi Grad Sarajevo, prema sljedećim urbanističko-tehničkim uslovima:

Građevinska parcela br. 58A

- Regulaciona linija građevinske parcele br. 58A planirana je na način kako je prikazano u grafičkim prilogima br. 2 i 3. a prema vlasničkim parcelama k.č. broj 1708/7, 1710, 1711/1, 1712, 1725/1, 1724/1, 1719, 1714/1, 1728/3, 1727/1, 1728/5 K.O. Novo Sarajevo IV.
- Prilaz planiranoj građevinskoj parceli br. 58A planiran je na način kako je prikazano u grafičkim prilogima br. 2 i 3.
- Namjena planiranih objekata poslovno-stambena, a spratnost je P + 4, odnosno max. visina objekta 12 m.
- Građevinske linije objekata prikazane su u grafičkim prilogima br. 2 i 3, tako da max. BGP prizemlja iznosi 510 m², a max. BGP planiranog objekta iznosi 2550 m², odnosno ukupna max. BGP planiranih objekata (dva objekta) iznosi 5100 m².
- Građevinska parcela zauzima površinu od 7751 m².
- Potrebno je obezbijediti parking prostor unutar građevinske parcele na način kako je prikazano u grafičkim prilogima br. 2 i 3. ili unutar samog objekta.

Građevinska parcela br. 59A

- Regulaciona linija građevinske parcele br. 59A planirana je na način kako je prikazano u grafičkim prilogima br. 2 i 3.
- Prilaz planiranoj građevinskoj parceli br. 59A planiran je na način kako je prikazano u grafičkim prilogima br. 2 i 3.
- Građevinska parcela zauzima površinu od 761 m²

Član 3.

Korekcija Plana sastoji se iz tekstualnog dijela i grafičkih priloga:

- Izvod iz Regulacionog plana "Bačići" - Prostorna organizacija i prijedlog razmještaja objekata M 1:1000
- Korekcija Regulacionog plana "Bačići" - Prostorna organizacija i prijedlog razmještaja objekata M 1:1000
- Korekcija Regulacionog plana "Bačići" - Prijedlog plana parcelacije, građevinske i regulacione linije M 1:1000.

Član 4.

Korekcija Regulacionog plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koji su sastavni dio Regulacionog plana "Bačići" ("Službene novine Grada Sarajeva", broj 13/02), te pribaviti saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".

Broj 02-23-22211/13-7
25. septembra 2014. godine

Općinski načelnik
Mr. **Semir Efendić**, s. r.

